

Takahe Jises Krais

Kakai Haeu:
Luk 1:5-25, 57-80
Luk 1:26-56; Matiu 1:18-25
Luk 2:1-40
Matiu 2

Kakai Seimat
Ninigo Islands
Manus Province,
Papua New Guinea



Takahe Jises Krais

© 2020, Wycliffe Bible Translators, Inc.

Text taken from taken from the Seimat New Testament

books of Matthew and Luke

© 2012, Wycliffe Bible Translators, Inc.



This **text** is licensed under a Creative Commons Attribution-Noncommercial-No Derivatives 4.0 International Licence.

(<https://creativecommons.org/licenses/by-nc-nd/4.0/>)

BY (Attribution)-You must keep the copyright and credits for authors, illustrators, etc.

NC (Non-commercial)-You may not use this work for commercial purposes.

ND (NoDerivatives)-If you remix, transform, or build upon the material, you may not distribute the modified material.

First Edition, November 2020

No. of copies printed:150

Funder: Christchurch, Chorleywood, UK

ISBN: 0-86893-569-7

PNGSLN: NT0345



Original illustrations by Jim Padgett © Sweet Publishing
licensed under the terms of a Creative Commons
Attribution-Share Alike 3.0 Unported licence.
www.sweetpublishing.com

Compiler: Tammy Harms

Printed by:
The Printshop
Ukarumpa EHP 444
PNG

Lawe waliko leilon

1. Tel engel kak kilami takahe Jon Baptis

Luk 1:5-25 p. 3

2. Takahe Jon Baptis

Luk 1: 57-80 p. 16

3. Tel engel kak kilami takahe Jises

Luk 1:26-56 p. 27

Matiu 1:18-25 p. 41

4. Takahe Jises

Luk 2:1-40 p. 47

5. Tesol soliwa ti angiha

Matiu 2 p. 73


Josep xahat waxy tel akaik ma tel tinan ape lato alia hani Israel. Tuahé ti Josep hongoa Akilaus kewen totone tel taman Herod masiwi ti Judia, i mamata na i sosoá. Haeu hone ulea i leili paxangoan ka sos haniwa Galili texux xux leili Israel. Ape Josep aile tonalato tewau toan Nasaret. I haponowia hawane kakai tesol kuluiai kakai Haeu, lato ukek, “Laha axai i Nasarin.”



**Tel engel kak kilami takahe
Jon Baptis
Luk 1:5-25**




Lokon Herod masiwi ti Judia,
Sakaraia tel masiwi ti hukuminiai
Haeu ma seilon, i pupuas leili Ingi
Haeu hetekie tesol tuaun. Axalato
Abijaia. Tenen ax ie lato kema axe tel
masiwi ti hukuminiai Haeu ma seilon ti
matahaun. Tel axoi Sakaraia Elisabet i
kahi nati Aron tel masiwi tapein ti
hukuminiai Haeu ma seilon. Haeu
namiloi ukek lalu hauhua seilon
sawisawin. Lawe lalu puas usi mataini
hatapo hatesol nauna ti Haeu tel
Masiwi. Lalu tap natulalu nake
Elisabet i lieheh hetekie lalu tin ape
salaimat.




Muhi matei Herod, tel engel ti
Haeu sohot hani Josep ti leili
paxangoan lokon ti i Igip. I ukek,
“Xahatawa, waxiwa tel akaik ma tel
tinan ape alia haniwa xux ti Israel
pake teka lehe laha telei tel akaik
ape laha matewen.”

Ngain tehu, Sakaraia ma teka
tuaun lato pupuas leili Ingi Haeu
nake taun ti lato ti puas leili
puasain tehu ien. Usiai saun ti teka
masiwi ti hukuminiai Haeu ma
seilon, lato kilami tel ti leilolato soh
hani leili Ingi Haeu ti luiai sanda
hani Haeu ma lotu hualiai teka
seilon. Telao ien lato kilami
Sakaraia. Ti tehu sanda lulua, kilan
seilon laha tu lolotu melal.

Leili Ingi Haeu tel engel, spirit
solian ti Haeu, i take hani Sakaraia.
I tutu sai manau ti tone luiai sanda.
Ti Sakaraia ningahiwa, i tataxini ma
i mamata hawane.






I usima menge tesol soliwa ti angisha ka lato ningahi tehu kohot ahang huohu tamusuen. I sohot hapoponowi hawane waliko ti tel kuluiai kakai Haeu, Jeremaia ukek, “Tangitangi lalap ma kinax ti tatahan i sohot ti tehu taon Rama. Rakel i tangixi tesol natun. I watakai laha hasoli i nake tesol natun mat hatapoен.”



Ti Herod tioiwa ka tesol soliwa ti angih pisiwen i, lon lialu hawane. I hani kakain ahian ti teleiai hatesol akaik wawan ti Betlehem ma xux ti xohixohin, akaik ti ahangun huohu hanima itan.


Tuahe tel engel kakane i ukek,
“Kum maamata, Sakaraia! Haeu hongoen kamekame tetam. Tel axoam Elisabet hatakaha tel akaik natum. Axaiwa axan Jon. Amulu ma kilan seilon liai amuke hawane i. Amuto hatesol amuam nake Haeu namiloi ukek Jon i sohot tel seilon pate tuah. I kum un unum ailan. Tataen ti uli takahan, Haeu hani i Holi Spirit ti kapitian.



Ape i neini kilan ti amuto Israel lehe amuto towiahu ti lialui woumuto hani Haeu tel Masiwi ti amuto. I sohotuma imat ti Krais, tel Haeu taloma. Ape Holi Spirit hapohea i hanowi ti i hapohea Elaija tel kuluiai kakai Haeu. Jon huali seilon ti apesenialaha ti sohotui Krais. I hukumini aliake akaik ma taman ma huali teka tahitah ti usiae nauna ti Haeu.”




Josep xahat waxi tel akaik ma tel tinan ti ipong tutuen ape lato ox hani Igip. Lato to ien atengi tataen Herod mat. Waliko ien i sohot hapoponowi hawane waliko ti Haeu kaxiwen leili pepai tel kuluiai kakaian i ukek, “Nga tiloi ahuti tel Natuk ti Igip.”



Muhin ti tesol soliwa aliawa, Josep
i paxangong. Leili paxangoan tel
engel ti Haeu hone i ukek,
“Xahatawa! Waxiwa tel akaik ma
tel tinan ape ox haniwa Igip nake
Herod i upiup tel akaik lehe i telei.
Amuto toa ien atengi tataen na nga
hahongo aliakewa amuto.”

Sakaraia kakane tel engel ukek,
“Lehe nga tioi ukek ia ka teik waliko
ti o kakak i sohot? Amili tel axoak
ape salaimat.”



Tel engel ukek, "Nga Gabriel, tel unaui Haeu pate tuah. I taloma nga hahongoam tenen meng solian ien.




Ti leili paxangoalato Haeu hahongo lato ukek, "Kum alia hahani kapi Herod." Ape lato non aweisal liai alia hani xuxulato.



Ti lato soh haniwa leili ing, lato
ningahi tel akaik ma tel tinan Mary.
Lato lokuha lotui tel akaik. Lato
heiwa kakulato ape axi i waliko
tuah: gol, sanda ma mer, paura
tenen poun pate solian.




Tuahe nake o hong kapaxe
kakaiak, o kum wix uke atengi taen
tel natum takah. Waliko ti nga
kakane o i po sohot onoteni hawane
taun ti Haeu kikilami.”




Lokon ien teka seilon melal
atetengi Sakaraia ape laha nam
tataxini ti i pate kuen leili Ingi
Haeu.



Muhi kakai Herod ape lato nahih.
Ti lato luluainiwa, tehu kohot i
sohot alia ape i to neneiniwa
aweisalulato hani tataen tesol tel
akaik takah. Ti lato ningahiwa tehu
kohot pate lato amuam hawane.




Ape Herod tiloi tesol soliwa ti angisha. I kamei hakokol lato lokon wanen ti tehu kohot sohot. Ape i talo lato hani Betlehem i ukek, "Amuto nahiwa ape puas nihehi upia aluini hawanewa tel akaik. Na amuto tunahi, hahongo aliakema nga lehe tin nga nahih lotui i."




Ti i ahutama i kum kakane uke laha. I tua hapuasa minan kakanealaha ape laha paxai tioi ka tenen waliko tuah take haniwen i.



Tataen puasain tehu ti puase
Sakaraia leili Ingi Haeu tapoa, i
nahih alia hani tonan.



Lato ukek, “Leili taon Betlehem ti
Judia masin ti tel kuluiai kakai Haeu
taiwen ukek, “ ‘Betlehem, taon ti
Judia, o kumahe tehu taon tap axan
ti Judia nake o tetesol tel masiwi i
po sohot ti ngahatiai teka seilon
tetak ti Israel.’ ”



Ti tel masiwi Herod hongoa, namilon sihikuk hawane hetekie teka seilon ti Jerusalem. I tiloi teka masiwi tuah ti hukuminiai Haeu ma seilon, ma teka hanau i nauna ti Moses ape i kamei lato, “Tel Krais i takah tetesol ia?”

Muhin ien tel axoan Elisabet pet akaik ape i tai sosohot melal ti pangapang tepanim. I ukek, “Ti soliai Haeu i huali nga ape i xaxaweni hatapo hienain ti na lieheh. Teka seilon ape laha kum paxai teheni nga.”





Takahe Jon Baptis

Luk 1:57-80

Ti ape Elisabet pangapangaun kewa
tepanim hinalo i hatakaha tel akaik
wawan. Teka laha toto xohixohin kapin
ma teka akikin hong waliko solian ti
Haeu tel Masiwi aile hani Elisabet ape
laha hatesol amuam akati i.


Tesol soliwa ti angiha

Matiu 2

Jises takah leili taon Betlehem ti
Judia, lokon ti Herod masiwi. Lokon
ien, tesol seilon ti sai angiha tahia
hani Jerusalem. Lato aneso mumuh
ti kohot. Ape lato kamea, “Ia tetel
akaik i takahale masiwi tapein ti
teka Ju? Amite ningahi tehu kohot ti
sai angiha i kola takahan ape amite
nahima lotuian.”



Muhi puasain tehu ti tel akaik takahawa, teka akikin apuha ti ailei teik kikilam ti kotiai uli walikoi tel akaik ti kolakol ka i seilon ti Haeu. Pahalato uliae i Sakaraia masin axe tel taman. Tuahe Elisabet kak eliel ukek, “Kumahe! Tel taman lehe i axai axan Jon!”




Ti Josep ma Mary aile hatapoa
lawe waliko ti nauna ti Moses kakak,
lalu alia hani tonalalu ti Nasaret
leili Galili.

Ti ien Jises lap ape i kui. I uke
anesoin ti sale aweisali Haeu ma
Haeu aile kola soliaian hani i.



Lato kakane Elisabet, “Tuahe tap tel akikim axan Jon.”


Lato kamei tel taman ax tetenen pahan i uliai hani tel natun. Lato tua hapuasa minalato nake i kum kak uke ape lato sokok ka tin i kum hong kakain. Sakaraia aile kola ka pahan i tai waliko. Ti lato haniwa i teik patiu ti taiai kakain i tai ukek, “Axan Jon.” Lato hatesol ongaini hawane. Lokon ien wanen Sakaraia pon i wix ulea ape i kak sameni Haeu.



Ana, tel hehin kuluiai kakai Haeu, i tin leili Ingi Haeu. I nati Panuel, akiki Aser tel nati Jekop tel matahaun ti lato. I hehin salaimat. I hina axoan leili ahang tepanim huohu.


Muhin ti tel axoan matewa i tai sal ulea. Aope ie ahangun 84. Lawe i nahih hani Ingi Haeu. Ngain ma ipong lawe i lotu ma halini an ti hualiai lotu tetan.

Ti Simeon kak hatapoa, Ana nahih xohi hani kapi lato ape i kak kemulik hani Haeu ti Jises. Ape i kaxi sale Jises hani hatesol seilon ti laha monomon atengiai Krais tel Haeu taloma awaiai teka Israel ti kawatan ti lialui woulaha.



Teka seilon laha toto xohixohin
kapi Sakaraia ma Elisabet laha
hatesol ong mamata hawane. Ape
laha kaxi sawateni waliko tenen i
sohot hani lalu hani teka seilon ti
lawe toan he maunten ti leili Judia.

Teka ti laha hongoa ien, laha to
nanamiloi ape laha ukek, “Tel akaik
ie liai i sohot tel seilon pate tuah
nake Haeu tel Masiwi hoi kapin.”




Muhin Holi Spirit hanamiloa Sakaraia tel tame Jon kaxiai tenen kakai Haeu ie, “Kako sameniwa Haeu tel Masiwi ti kako teka Israel.

I tahiama ti hualiakako teka seilon tetan ma oxoxiakako ti kalabus ti saun lialun.

I haniwen kako Krais, tetel ti lalape pohen i awai kako ti kawatan ti lialui woukako.

I kahi tel masiwi David, tel unaui Haeu.

Josep ma Mary hong ongaini hawane waliko ti Simeon kakak sale tel natulalu. Ape Simeon kamei Haeu ti hanialalu soliaian. I hone Mary ukek, “Tel akaik ie Haeu kilamiwen, kilan seilon kum soh ka i Krais ape Haeu teheni ma paxai lioi laha. Ape kilan seilon liai laha soh ka i Krais ape Haeu namiloi ukek laha seilon tuah. Jises masin kolakol ti Haeu tuahe kilan seilon pahoxai i. Aweisal tewau ien Haeu hatakei namili hatesol seilon. Ape o Mary, moloan ma tatahan lalap wanen tunahi o masin ka tea ngol melomelon i tapuhi pele atem.”



Teka kuluiai kakai Haeu laha hani hatapo laha ti ailei puasan, laha kaxiwen ti kuewen waliko ti Haeu aile.

I awai kako ti teka laha watakai hawane kako.

I huali kako na pahalaha aile halialuakako.

I aile kola tatahan hani teka tamakako ti matahaun nake i nameni ti i xinoti namil kapi lato ka i Haeu tel Masiwi ti lato ape lato seilon tetan.

Tenen kakain ien imat i kaxi haniwen Abraham tel tamakako.

I awai kako ti teka laha watakai hawane kako lehe kako aile puasan ma lotui i hetekie tap mamata.

I huali kako sohot seilon sawisawin ti usiai nauna tetan ma ti ailei lawe waliko ti i paxai waheni.”

Ape Sakaraia kakane tel natun
ukek,

“Tel natuk, o sohot tel kuluiai kakai
Haeu.

O hutui puasam imat ti Krais tel
Haeu taloma ape o huali seilon ti
apesenialaha ti sohotui Krais.

O kaxi hani teka seilon tewau
aweisal ti Haeu awai laha ti
kawatan ti lialui woulaha ma oxoxi
laха ti kawatan ien.

Ti lalape tatahan ti Haeu, Krais
luainima ti tone Haeu hani kapi
kako masin sasai al.

Masin xewan ti i haxewa tilokoan,
Krais kaxi waliko salan hani teka
seilon laha leili tilokoan ti lialui
woulaha.

Ape i neini kako lehe wasolakako
ma Haeu i sawi.”

Tataen ie Sakaraia tili kakaian.

Simeon akeni aumi kokole Jises
ape i kak sameni Haeu i ukek, “Haeu
tel Masiwi, o puas usiwen kakaiam,
aile ape namilok i heh hawanewen
ape ewi na nga mat. Pake ti puki
pulak wanen nga ningahiwen tel
awaiamite, tetel i awai amite ti
kawatan ti lialui woumite seilon.
O kilamiwen i tel awaiamite lawe
seilon ti xux texux texux. I masin
xewai alon, i kaxi haxewa o hani
teka seilon kumahe Ju ma i aile
hasohotu teka Israel seilon pate
tuah nake puki i nakuama ti lato.”



64



Tel natun Jon lapale ape Holi
Spirit hapohea i. I heheuta he
lohong atengi tataen i kaxi ahuti
kakai Haeu hani teka seilon ti
Israel.

25




Lokon ien tel seilon toto
Jerusalem axan Simeon. Holi Spirit
kakapiti i ape lawe i aile waliko
sawisawin ti puli Haeu ma i usi
hahatapo hatesol nauna tetan.
Masin teka Ju liai, tin
i monomon atengiai Krais tel Haeu
taloma ti awaialato ma hualialato.
Ti imat Holi Spirit kola haxewa hani
Simeon ka i kum matemu atengi i
ningahiwa Krais, tel Haeu taloma.
Ti Mary ma Josep atoheniwa kokole
Jises hani Ingi Haeu lehe lalu hani i
hahitake ngangahat ti Haeu, Holi
Spirit kapiti Simeon nahih haniwa
ien.

Tel engel kak kilami takahe Jises Luk 1:26-56



Muhi pangapang tepanim tehu ti
Elisabet petiwa akaik, Haeu talo tel
engel Gabriel hani tehu taon
Nasaret leili Galili. I hakouta kakain
hani tel hehin axan Mary i tai
engeeng kapi tel na wawan. I tel
laha otei haniwen axoi Josep, kahi
nati tel masiwi David.



Tel engel hone Mary, “Haeu aile
hasolia hawanewen o. I kapim.”

Ien taun ti Josep ma Mary aile
saun ti haunialalu ti puli Haeu usiai
nauna ti Moses. Aile ape lalu kau tel
akaik hani Ingi Haeu leili Jerusalem
ape lalu hani i hahitake ngangahat
ti Haeu. Masin ti teik kakain leili
pepai Haeu tel Masiwi i ukek, “Lawe
akaik wawan pamu laha selai
haniwa ailei puase Haeu.” Ape lalu
hani Haeu huok pal ti lalu aile saun
ti haunialalu ti pulan, usiwa nauna
ti Moses.




Mary namiloi taxiake hawane
kakai tel engel ape i namiloi papaxai
haxewai teik kakain ien. Tel engel
kakane Mary ukek, “Kum maamata,
Haeu aile kola soliaian hani o.




Muhi ngain tepanim huohu ti tel
akaik takahawa, teka masiwi ti teka
Ju aile teik kikilam ti kotiai uli
walikoun ti kolakol ka i seilon ti
Haeu. Ape Josep uliai i Jises,
tetenen ax ti tel engel uliaiwen imat
ti i pet.



O hanatua tel akaik wawan. Na i takahawa, axaiwa axan Jises. I sohot tel seilon pate tuah ma pohe Haeu toi i ape laha axai i Nati Haeu. Haeu hana i tel masiwi ti teka Ju masin tel masiwi David, tetel Jises nakuama tetan. Ape i neini teka Israel ma i to Masiwi lian tehue.”



Ti tesol ngahatiai sipsip ningahiwa tel akaik, lato kaxi hani teka seilon waliko ti tel engel kakanewen lato sale tel akaik ien. Ti laha hatesol hongoa, laha ongake hawane. Mary nameni lawe waliko ti i sohotuen ape i to namiloi haweluwelu. Tesol ngahatiai sipsip nahih alia hani kapi tupulato sipsip ape kak sasameni Haeu ti lawe waliko lato hongoen ma ningahiwen masin wanen ti tel engel kakanewen lato.



Mary kakane tel engel ukek, “Nga tai engeeng kapi tel na wawan, aile ape i sohot ukek ia?”

Tel engel kak pahoi i ukek, “Ti pohe Haeu, Holi Spirit atuhi halihu o ape o pet akaik. I hani hatapo tupuan ailei puase Haeu ape laha axai i Nati Haeu. Nam paxaiwa tel akikim Elisabet. Kalak i salaimat i petiwen akaik. Kemuk i lieheh ape aope ie pangapangaun tepanim tehu. Tap tenen waliko Haeu kum aile uke.”



Mary ukek, “Nga unaui Haeu tel Masiwi. Ewi i sohot hani nga masin ti o kakawen.” Ape tel engel salili i.

Ti teka engel alia haniwa tone Haeu, tesol ngahatiai sipsip he kakak alia puki lato, “Kako nahih hani Betlehem lehe kako paxai waliko ti i sohotuen masin ti tel engel ti Haeu tel Masiwi kakanewen kako.”

Lato nahih kosea hani Betlehem ape lato tunahi Mary ma Josep hetekie tel akaik i engeeng leili tone ani manihuh.



Muhin Mary nahih kosea hani tehu taon ti leili Judia he maunten. I nahih soh hani leili ingi Sakaraia ape i kak amuke Elisabet. Ti Mary kakak tutuen, tel akaik leili tiai Elisabet pixewa. Ape Holi Spirit hanamiloa Elisabet kakain.



Tuahe tel engel hone lato ukek,
“Kum maamata! Nga tahiakema
meng solian ti hamuamuai lawe
seilon. Hongoa! Ngain tetelao leili
Betlehem, tehu taon ti tel masiwi
David takah, tel awaiakaha i
takahawen. I awai kaha ti kawatan
ti lialui woukaha. I Krais tel Masiwi,
tetel Haeu taloma. Amuto paxai tioi
tel akaik na amuto tunahiwa i
engeeng leili tone ani manihuh
pupuxua leili maia.”

Tataen ien, kilan wanen engel ti
Haeu take ulea hani kapi tel engel
ien ape lato pak sameni Haeu ukek,
“Haeu, tel tonan patul wanen, i
pate tuah ma pate solian! I aile
hasolia wasolakaha hani i ma
wasole teka seilon i amumuke!”



Ape i kak eliel hani Mary ukek,
“Haeu aile hasolia hani o, akulai
lawe hehin liai. Tin i aile hasolia
hani tel akaik na o hatakaha. Lehe
lahan ka tel tini tel Masiwi tetak
nahih paxai nga? Se pate tuah
wanen! Nga tioi ka o tini tel Masiwi
nake tel akaik leili tiak pix amuam
hawane ti nga hongoa kakaiam.
Haeu aile kola hani o lalape soliaian
nake o hong soh ka i aile hawane
waliko ti i kakawen.”



Mary ukek, "Tupuak hatel hetekie namilok nga sameni hawane Haeu tel Masiwi. Pate nga amuam hawane nake Haeu tel awaiak ti lawe waliko lialun. I kum maluhe nga ma i ngahati nga tel unauan kalak axak pate itan leili teka seilon. Seilon telok aope ie ma telok imuh laha ukek ka Haeu aile kola hani nga lalape soliaian. I tel pate pohen ma i aile waliko lalap hani nga. I pate solian ma pate tuah xoini lawe


Ipong tehu ien hina seilon ngangahati sipsip xohixohin Betlehem, tetesol ti kilan pahoah solian. Tel engel, spirit solian ti Haeu, i take hahutuia hani lato ape xewai Haeu i xeu kakalini lato. Pate lato mamata.




seilon ma lawe waliko. I aile kola tatahan tetan hani teka laha sameni ma hong tamani i leili teka seilon ti aope ie ma imuh. Ti pohen i aile kilan waliko lalap ape i usi xaxaweni teka seilon ti hanasanas. Hina teka masiwi i hatapo laha ti neiniai seilon a teka seilon laha teheni aliake laha ti usiai namilon i aile laha seilon tuah. Haeu axi waliko solian hani teka pahalaha wanen usiai aweisalun ape i tua hanahi lioi teka laha kilan waliko ma pahalaha kum is usian. Haeu to huhuali teka seilon ti Israel, teteka unauan. I namiloi i aile kola tatale tatahan hani Abraham ma teka laha nakuama tetan masin ti i kakanewen laha.”



Mary to pangapang toluhu kapi
Elisabet ape i nahih alia hani tonan.



Lokon ti lalu Betlehem, taun tetan
ti hatakahai tel akaik. Ien uli
hatakahai akaik tetan. Tel akaik ien
se wawan. I puxui he teik maia ape
i hanopi hani leili tone ani manihuh
nake leili ing ti tone soliwa pate
xuhan.




Aile ape Josep lua salili Nasaret
leili Galili ape i nahih hani Betlehem
leili Judia, taon teteihu tel masiwi
David takah. Josep lua hana axan
ien nake i nakuama ti tel masiwi
David. Josep hakahita hetekie
Mary, tel hehin laha otei haniwen
axoan ape i hana ati axalalu. Lokon
ien Mary hoi i petiwen akaik.



Matiu 1:18-25

Sale takahe Jises Krais. Tel tinan
Mary laha kilami hani axoi Josep,
tuahe imat ti lalu sal, liai i petiwen
akaik ti pohe Holi Spirit. Josep se
seilon sawisawin, i watakai hahienai
Mary ti puli lawe seilon. Aile ape i
namiloi na i tua lioi hakokol Mary.




Lokon ti i to nanamiloi, tel engel, spirit solian ti tel Masiwi Haeu, sohot hani i ti paxangongo, i ukek, “Josep, tel kahi nati David, kum maamata waxiai axoam Mary. Tel akaik he tian i pet ti pohe Holi Spirit. I hatakaha tel akaik wawan, o axaiwa axan Jises nake i awai seilon ti kawate saun lialun ti laha.”

Takahe Jises

Luk 2:1-40

Lokon ien Augustus tel masiwi tapein ti Rom, hone teka unauan waxy hatapoi axe seilon ti Rom ma lawe xux hahitake ngahat ti Rom lehe i tioi mongohe seilon towiai moni hani Rom. Tetehu se uli waxiai axe seilon. I po sosohotua lokon Kwirinius i tel masiwi ti texux xux Siria. Lawe seilon lua hani tone tamalaha hanai axalaha.



Hatesol waliko ie i sohot
hapoponowi hawane kakai Haeu
masin ti tel seilon kuluiai kakaian
kakawen, i ukek, “Tel hehin tenen i
tai eng akakati tel na wawan i pet
akaik ape i hatakaha tel akaik
wawan, laha axai axan Imanuel.
Tenen kakain Imanuel i ukek, ‘Haeu
kapi kaha.’ ”



Muhin ti Josep haiwa, i waxi Mary
hanowi ti tel engel ti Haeu kaakane i.
Tuahe Josep tai eng akati i hani
tataen tel akaik takah. Ape Josep
axai axan Jises.